



UDALBILTZA

KONTSEILU NAGUSIA

UDALBILTZAKO PARTZUERGOAREN OHIKO KONTSEILU NAGUSIA. 2023ko MARTXOAREN 17an EGINDAKO BILERAREN AKTA

0. LABURPENA

1. Aurreko Kontseilu Nagusiaren aktaren onarpena
2. Lehendakariaren ebazpenak
3. Soldata igoera
4. 2023ko Udalbiltza Partzuergoaren aurrekontuen hasierako onarpena
5. 2023ko Euskal Garapen eta Kohesio Fondoaren aurrekontuen hasierako onarpena
6. 2023ko aurrekontuak gauzatzeko arauaren hasierako onarpena
7. 2023ko lan egutegiaren onarpena
8. 2022. urteko memoria azalpena eta 2023. urterako Kudeaketa Plana eta bilakaera
9. Galdera eta iradokizunak

Bilera, Antzuolako Olaran Etxea-Kultur Etxean burutu zen, bi mila eta hogeita hiruko martxoaren hamazazpian, arratsaldeko 17:00etan, bigarren deialdian eta parte hartu zuten azpian zerrendatuko diren udalerrietako ordezkariak.

	UDALA
1	Aizarnazabal
2	Alegia
3	Antzuola
4	Amoroto
5	Arakaldo
6	Araitz
7	Asteasu
8	Bera



9	Berastegi
10	Berriatua
11	Errigoiti
12	Gatika
13	Hernani
14	Itsasondo
15	Legorreta
16	Munitibar
17	Oiartzun
18	Orexa
19	Segura
20	Zaldibia
21	Zestoa

Ez zuten parte hartu udalerrri hauek: Aduna, Altzo, Ajangiz, Anoeta, Aramaio, Arantza, Arbizu, Areso, Arratzu, Artea, Astigarraga, Ataun, Atxondo, Bakaiku, Barrundia, Berrobi, Dima, Ea, Elduain, Etxalar, Etxarri Aranaz, Etxauri, Ezkio, Getaria, Gaztelu, Goizueta, Ibarra, Ikaztegieta, Irura, Iturmendi, Lakuntza, Larrabetzu, Leaburu-Txarama, Legutio, Lezo, Lizartza, Mañaria, Markina, Meñaka, Mendaro, Olazti, Ondarroa, Oñati, Orendain, Otxandio, Uharte-Arakil, Urdiain, Usurbil, Zerain, Ziordia, Ziortza Bolibar, Zizurkil.

Jabier Asurmendi Udalbiltza Partzuergoaren lehendakari eta zuzendari jaunak zuzendu du bilkura.

Era berean, parte hartu du Joseba Agudok Udalbiltza Partzuergoko idazkari kontu-hartzaile moduan.

Quoruma dagoela ziurtatzean, hasiera eman zaio bilerari, honako edukiak landuz:

LEHENA.- Aurreko aktaren onarpena

Jabier Asurmendi Lehendakariak egin du puntu honen azalpena.



Zuzenketa edo ekarpenik proposatu ez denez, aurreko Kontseilu Nagusiaren bilkuraren akta onetsi da aho batez.

BIGARRENA.- Lehendakariaren ebazpenen berri eman

Joseba Agudo idazkariak, azkeneko Kontseilu Nagusiaz geroztik emandako ebazpenen laburpena jasotzen duen zerrenda emailaz bidali zela gogorarazi du. Ondoren, gastuen onarpena ez diren gainerako ebazpenen esanguratsuenak azaldu ditu, hala nola:

1) 22/2022 LE: Joseba Agudoren baimena beste lanetan aritzeko.

Joseba Agudo Idazkari Kontu-hartzaileak, baditu beste lan batzuk. Baimena eman zitzaion bere lanekin jarraitzeko, 53/1984 Legearen arabera, betiere interes gatazkarik sortuz gero baztertu beharko duenaren aginduarekin.

2) 23/2022 LE: Joseba Agudo Idazkari kontu-hartzailearen izendapena.

3) 25/2022 LE: Ekhiñe Atorrasagastiren alegazioen erantzuna EAE teknikari postuari.

4) 50/2022 LE: Amaia Iraeta, ezezkoa eszedentzia luzatzeari.

5) 54/2022 LE: Soldata igoera %1,5, 18/2022 Errege Dekretuaren ondorioz.

2023. urteari dagozkionak:

6) 02/2023 LE: Eñaut Castagneti dietak ez ordaintzeko erabakia.

7) 03/2023 LE: GS onuradunen behin behineko zerrenda..

8) 04/2023 LE: Aurrekontuen luzapena. 2023 urterako aurrekontua onartua ez dagoenez, 2022koa luzatu zen ordainketak egiten jarraitu ahal izateko.

9) 06/2023 LE: GS behin betiko ebazpena

10) 07/2023 LE: Galdakaoko udaleko isuna ordaindu.

HIRUGARRENA.- Soldata igoeren onarpena

Partzuergoko Idazkaria den Joseba Agudo jaunak egin du puntu honen azalpena. Berak prestatu duen 2023/04 txostena azaltzen da, partzuergoko kideek esku artean izan dutena.



Ondorioz, eta aurretik esandakoa kontutan hartuaz, % 2,5ko igoera proposatzen da, Udalbiltza Partzuergoko langileentzat.

Gaia bozketara jarrita, proposamena onartzen da aho batez.

LAUGARRENA.- 2023KO UDALBILTZA PARTZUERGOAREN AURREKONTUEN HASIERAKO ONARPENA

Jabier Asurmendi jaunak, Udalbiltza partzuergoko lehendakaria denak, egin du puntu honen azalpena.

SARRERAK

Aurten izango ditugun diru sarreretan, berrikuntza moduan, Gipuzkoako Foru Aldunditik jasotzen dugun diru laguntza 50.000 eurotakoa izatea espero da. Ziurrenik gutxiago emango digute baina aurrekontuan 50.000 eurotakoa jarri dugu, IKT eta beste diru laguntzekin bertaraino ailegatzea aurre ikusi bai dezakegu. .

369.500,00 € Partzuergokideen kuotak izango lirateke eta 30.000,00€ bestelako udalekin ditugun hitzarmen bidez lortuko lirateke. Azkenik, 228.219,71 € Geuretik Sortuak proiektua gauzatzeko udal desberdinekin egindako hitzarmenen bidez eskuratuko lirateke. Beraz, guztira aurrekontua, 677.719,71 €koa izango litzateke.

GASTUAK

1.KAPITULUA

Ohiko gastua da eta ohiko diru kantitatea dago ezarrita bertan.

Horrez gain, soldata igoera, % 2,5koa izango da. Aurre ikusita dago langile publikoen soldata ehuneko puntu bat igo daitekeela urtea amaitu baino lehen. Aurrekontuak aurre ikuspen hori kontuan hartuta egin dira.



2. KAPITULUA

Komunikazioa: Igoera bat egin da, Batzar Orokorra egingo balitz diru partida izateko.

Energia: gutxipena izan du partida honek.

Beste partida guztiak antzera jarraituko dute.

PROIEKTUAK

- *Lurgida*: garapen teknologikoa eta itzulpenak. 11.000 €). 2022an gehiago gastatu da Gipuzkoako Foru Aldundiko diru laguntza jaso delako. Aurten ere jasoko bagenu, gehiago gastatuko genuke eta garapenen bat egingo genuke.

- *Geuretik Sortuak*: 268.410 €ko aurrekontua aurreikuspena dago Partzuergotik .

- *Burujabetzak-aholkularitza*: Aholkularitza+dietak+Hiritak At-ek proposatutako proiektuak (10.996 €)

- *Hurbiltzen*: 3.000 € ezarri dira Sara-Ataun proiektua egiteko konpromisoa dagoelako.

- *Ikerbiltza*: momentuz proiektu hau bere horretan uztea erabaki da. Ikerketa guztiak amaituta daude

- *Ekonomia Soziala*: Imomentuz proiektu hau bere horretan uztea erabaki da.

- *Hartu eman*: ingelesera eta frantsera itzultzea dauzkagun esperientziak (7.000 €)

- *inkubagailua*: hemen edukiko genuke Lapurditik datorren itsasontzien desegituraketa proiektua ((9.000 €).

Gainontzeko gastuak , ohikoak dira.

3. KAPITULUA: Finantza gastuak

4. KAPITULUA: Transferentziak



- Aurten EGKFari 25.902 euro ematea aurre ikusi dugu. Jasotzen ditugun kobrantzen arabera zehaztuko da. Ipar Euskal Herriko Udalbiltza Elkarteari, 21.500 euro transferituko dizkiogu. Beste eragile batzuentzat 4.000 eurotako kantitatea aurre ikusten dugu.

Aurrekontua azalduta eta zalantzak argituta, bozkatzeari ekin zaio eta Udalbiltza partzuergoko 2023ko aurrekontua onartu da aho batez.

BOSGARRENA.- 2023KO EUSKAL GARAPEN ETA KOHESIO FONDOAREN AURREKONTUEN HASIERAKO ONARPENA.

Jabier Asurmendi lehendakari jaunak gogorarazten du fondo honetan urtero kopuru bat txertatzen dela tokiko garapen proiektuetarako. Aurten aurreikusitako kopurua, 25.902,00 €takoa da. Horietatik 500,00€ finantza gastuetan joaten da eta 12.000,00 € Zestoan ezarriko den Amillubi proiektuarentzat izango dira.

Bozketa egiten da, fondoari dagokion aurrekontua onartzeko eta aho batez onartzen da.

SEIGARRENA.- 2022KO AURREKONTUAK GAUZATZEKO ARAUAREN HASIERAKO ONARPENA.

Partzuergoko Idazkaria den Joseba Agudo jaunak egin du puntu honen azalpena.

Partzuergoaren kasuan proposatzen den aurrekontua 677.719,21 eurokoa da eta Euskal Garapen eta Kohesio Fondoaren erakunde autonomoaren kasuan, 25.902,00 eurokoa.

Laburbilduz, Gipuzkoako Toki Entitateen Aurrekontua arautzen duen 21/2003 Foru Arauak entitatearen aurrekontuak garatzeko arau bat onartzera behartzen du



partzuergoa. Hura azaltzeko, funtsean, Foru Arauaren transkripzio bat dela aipatu du Idazkariak, hura partzuergoaren egitura eta organoetara egokitzeko.

Bestalde, aurrekontu partidak muga eta lotura izaerakoak direla aipatu du idazkariak, ondorengo lotura-mailak zerrendatuz:

- Programa talde eta kontzeptua (mugatuenak): kapital zein gastu arruntetarako transferentzia eta diru-laguntzak, ondasun-inbertsioak eta finantza aktiboak.
- Programa talde eta kapitulua: ondasun arruntak eta zerbitzuak erosteko gastuak, finantza-gastuak eta finantza pasiboak.
- Kapitulua: langileen gastuak.

Gaia bozketara jarrita, aho batez onartu da 2023ko aurrekontuak gauzatzeko araua.

ZAZPIGARRENA.- 2022KO LAN EGUTEGIAREN ONARPENA.

Jabier Asurmendi jaunak, Udalbiltza partzuergoko lehendakaria denak, egin du puntu honen azalpena.

Udalbiltzan, normalean 3 egutegi onartzen dira, EAeko, Nafarroako eta Ipar Euskal Herriko eremu administratiboetarako.

Egutegia aurkeztu aurretik, partzuergoak onartzen ez dituen jai egunak aipatu ditu: Madriletik (konstituzio eta hispanitate eguna) eta Parisetik datozen jai egun estatalak, hain zuzen ere. Aurten emakumeen eguna jai egun bezala kendu da, mugimendu feministak hala eskatuta. Gorriz daudenak, aldiz, aste-bukaeretan dauden jai egunak dira. Beraz, lan egutegia horrela aurkeztu da:



Araba, Bizkaia, Gipuzkoa
14 (10 + 1 Herrikoa + 1 Herrialdekoa + 2 Hautazko)
Urtarrilaren 1a, Urteberri eguna
Urtarrilaren 6a: Errege Eguna
Apirilaren 6a, Ostegun Santua
Apirilaren 7a, Ostiral Santua
Apirilaren 10a, Pazko Astelehena
Maiatzaren 1a, Langileen Eguna
Abuztuaren 15a, Ama Birgina
Azaroaren 1a, Santu Guztien eguna
Abenduaren 3a, Euskararen eguna
Abenduaren 4a, Euskararen hurrengo eguna
Abenduaren 8a, Sortzez Gabiaren eguna
Abenduaren 25a, Eguberri eguna

Nafarroa
14 (10 + 1 Herrikoa + 1 Herrialdekoa + 2 Hautazko)
Urtarrilaren 1a, Urteberri eguna
Urtarrilaren 6a: Errege Eguna
Apirilaren 6a, Ostegun Santua
Apirilaren 7a, Ostiral Santua
Apirilaren 10a, Pazko Astelehena
Maiatzaren 1a, Langileen Eguna
Abuztuaren 15a, Ama Birgina
Azaroaren 1a, Santu Guztien eguna
Abenduaren 3a, Euskararen eguna
Abenduaren 4a, Euskararen hurrengo eguna
Abenduaren 8a, Sortzez Gabiaren eguna
Abenduaren 25a, Eguberri eguna

Lapurdi, Naf B, Zuberoa
14 (8+ 1 Herrikoa + 5 Hautazko)
Urtarrilaren 1a, Urteberri eguna
Apirilaren 10a, Pazko Astelehena
Maiatzaren 1a, Langileen Eguna
Maiatzaren 18a, Igorkundea
Maiatzaren 29a, Mentekosteak
Abuztuaren 15a, Ama Birgina
Azaroaren 1a, Santu Guztien eguna
Abenduaren 3a, Euskararen eguna
Abenduaren 4a, Euskararen hurrengo eguna
Abenduaren 25a, Eguberri eguna

Laburbilduz horrela gelditzen da eremu bakoitzeko egutegia:

- EAE: 11 jai egun, 1 teknikari bakoitzaren herriko jai eguna, eta 2 hautazko jai egun.
- Nafarroa: 10 jai egun, 1 teknikariaren herriko jai eguna, eta 3 hautazko jai egun.
- Ipar EH: 7 jai egun, 1 teknikariaren herriko jai eguna, eta 6 hautazko jai egun.

Galdera edo ekarpenik egin ez denez, gaia bozketara jarri da. Bozka guztiak baiezkoak izan direnez, lan egutegia aho batez onartua gelditu da.

ZORTZIGARRENA.- 2022. URTEKO MEMORIA AZALPENA ETA 2023. URTERAKO KUDEAKETA PLANA ETA BILAKAERA

Jabier Asurmendi jaunak, Udalbiltza partzuergoko lehendakaria denak, egin du puntu honen azalpena.



ENERGIA GIDA

Gida bat prestatu da goi mailako adituekin.

Zortzi proiektu jaso dira.

2023an gida osatzen joango da. Gainera, helburu nagusia eman diren esperientzia interesgarrienak ahalik eta Partzuergo kide gehienei eramatea izango da, haiek ezagutu ditzaten.

GEURETIK SORTUAK

Udalbiltzak artearen eta kulturaren alorrean sustatutako bigarren proiektua da Geuretik Sortuak. 2022. urteko azaroan aurkeztu zen, eta bere hedapenik handiena 2023 eta 2024 urteetan izango du. Proiektu honen helburuak dira, alde batetik, euskarazko kultura eskaintza zein hedapena areagotzea eta, bestetik, Euskal Herriko udalerrietatik Euskal Herriko kontakizuna egitea. 39 udalerritara iristea lortu da proiektu honekin, batzuk bakarka parte hartu dute eta beste udal batzuk elkarren artean bat eginik.

Proiektu honekin bi helburu nagusi lortu nahi izan dira:

1. Alde batetik harri bakoitzaren kontakizuna beste herrialde batetik datorren artistaren ikuspuntutik kontatzea.
2. Bestetik, eskarmentu handiko sortzaileei eta hasi berriak direnei bere eskualdetik ateratzen laguntzea bere ortzi muga zabalduz.

Proiektu honetatik bigarren edizio honetan, 10 ipuin jaioko dira liburu batean bildurik. Bestetik 4 film labur ekoiztuko dira eta 3 antzerki obra sortuko dira. Berritasuna du bigarren edizio honek, 5 komiki ere sortuko baitira.

2024.urteari begira, hautatutako udalerrietan, filmaren, komikiaren eta liburuaren aurkezpenak eta antzerki emanaldiak egingo dira. Proiektu honen jarraipena komunikatiboki, Hamaika Telebistaren bidez gauzatzen ari da.



Arriskuren bat sortu daiteke, aurten udal hauteskundeak direla da eta baliteke proiektuan sartzen den udaletako batean gobernu aldaketa egotea. Hitzarmenetan onartzen den konpromisoa bi urtetarako izaten da eta espero da arazo handirik ez sortzea, baina sortu daitezkeela kontuan izan beharko dugu.

HARTU-EMAN: ESPERIENTZIEN BANKUA

Euskal Herriko esperientzia berriak jaso.

Nazioarteko udalgintza eraldatzaile sareekin harremanetan jarraitzea.

HURBILTZEN

Abiatu diren senidetze prozesuetan lagundu.

Eskaerarik balego lagundu lehen pausoetan.

Programa hau halere ez da bereziki bultzatuko, etapa berria dela eta.

LURGIDA

Dakizuen moduan, Euskal Herri osoa aintzat hartuko duen euskarri turistikoa da Lurgida.

Aplikazioak balorazio onak ditu eta bisita eta erabiltzaile ugari ditu

2022 urtean zehar hobekuntza desberdinak egin dira, “zer egin” atala gehituz eta bilaketa iragazkietan hobekuntza desberdinak txertatuaz.

2023 urteari begira ondorengo helburuak izango genituzke:



1. Herrietako “zer egin” atala herri gehiagotan garatzea, herriek bidaltzen duten informazioarekin.
2. Ibilbideak berriak txertatzea:
3. 46 herri berri sartu
4. Etxaldeak gehitu
5. Ipar EHko hiri elkargoarekin lankidetzatza

HARREMANAK: ERAKUNDE PUBLIKOAK ETA ERAGILEAK

Aurten ere, Udalbiltza Partzuergoak Euskal Herriko erakunde publiko ezberdinekin harreman instituzionalak izan ditu. Izan ere, aurreko urteetako joerari jarraituta, hainbat lan bilera egin ditu.

Hona hemen Udalbiltza Partzuergoak 2022an Euskal Herriko erakunde publiko nagusienekin egindako batzarrak: Nafarroako Gobernua, Euskarabidea, Euskal Hirigune Elkargoa, Gipuzkoako Foru Aldundia eta Euroeskualdea. Nagusiki, Geuretik Sortuak proiektuari begira finantziazioa lortzeko egon dira batzar hauek.

Horretaz aparte, Udalbiltza Partzuergoaren ordezkariak, 2022. urtean zehar, eragile ezberdinek antolatutako hainbat ekimenetan parte hartu du eta Euskal Herriko hainbat eragilerekin bildu da urtean zehar.

BURUJABETZAK

Burujabetzei dagokionez, lan ildo nagusiak ondorengoak lirarteke:

- Kanpoko inteligentzietan aurrera egin, udalei erronka berrietan laguntzeko.
- Arlo desberdinetako adituen sarea josi, udalei aholkularitza tekniko-juridiko-politiko emateko.
- Lan taldeen garrantzia.



- Aholkularitza bulegoa, partzuergo kideei. Aurre proiektuak garatu.
- Burujabetzaren mahaia eta foroa.

INKUBAGAILUA

Hiru proiektu aipatu behar dira:

1) Itsas hondakinen tratamenduaren ikerketa Baionako unibertsitatean, Mutrikuko udalarekin elkar lanean.

Itsasontziak desegituratzean sortzen diren hondakinak birziklatzeko eta eraldatzeko proiektua.

2) EHKOMen jarraipena.

3) Agian energia gaiarekin lotua ere.

Azalpen guztia amaitu ondoren, 2022. urterako Kudeaketa Planaren onarpenaren bozketa egiten da eta aho batez onartzen da.

HAMARGARRENA.- Galderak eta Iradokizunak

Ez dira egiten ez galderak ez eta iradokizunik.

Honen ondoren, eta deialdi honen helburua bete delarik, Lehendakariak batzarraldia amaitutzat ematen du, arratsaldeko zazpiak hogeit gutxi direnean, nik Idazkari bezala ziurtatzen dudalarik.

JOSEBA AGUDO MANZISIDOR

UDALBILTZA PARTZUERGOKO IDAZKARI KONTU-HARTZAILEA



